



*Le scenar dla lüsa alta se é sposté tratan l'ultim fin dl'edma a Latzfons sön la pista "Lahnwiesen", daulache al è gnü tigní la secunda dles trei gares de Copa de Südtirol*

I bugn resultac ne á indô nia mancé, 2 podiums se porta i atlec ladins a ciasa. Por prüm é da alzé fora la medaia d'or de Manuela Rubatscher tla categoria dles ëres aspirantes cun al 6° post l'atleta da Longiarü Nagler Luisa y la medaia d'or de Diego Tschaffert tla categoria master A.

Atri resultat di atlec dla lüsa da La Val tles respetives categories: I fredesc Serafini Daniele y Lorenzo á fat le 20° y 16° post, Ploner Alex y Tavella Robert á arjunt le buniscimo 5° post. Sciöch ultim se posizionëia La Val al terzo post dla tlassifica generala dles scuadres joniles. Le miú tēmp dl dé i va al campiun in ciaria Kaser Roman dla squadra da Lijun y a Hilpold Theresa da Porsenù por les ëres.

Raika Jugendrennen:

Le Raika Jugendcup é na competiziun partida sö te cater gares olache al töl pert mituns dai 6 ai 14 agn che vëgn partís sö de deplö categories. Al vëgn garejé sides cun lüsa alta y sides cun lüsa basa. La pröma dles cater competiziuns è gnüda tignida ite en Passeier ai de jenà daulache i atlec jogn da La Val Brunner Philipp y Peccei Lukas s'á posizioné al 3° y 6° post dles respetives categories.

L'ultima domënia, ai 15 de jenà é la Munt de Sëuc che à ospité la secunda gara te chësc rode. Bëgn sis mituns da La Val à partezipé y s'á mosoré cun determinaziun por arjunj chisc plazamënc dles singoles categories: Miribung Elena 4. post, Peccei Lara 3. post, Moling Matthias 4. post, Brunner Philipp 3. post y Frenes Oliver 4. post. Tla gara a scuadres se posizionëia La Val al cuinto post.

La finala de Copa de Südtirol gnarà tignida ai 25 de furà a Longiarü. L'organisaziun dla competiziun ti é gnüda surandada ala seziun lüsa da La Val. La terza gara Raika "Jugendcup" gnarà tignida deperpo ai 28 de jenà a Walburg. Tratan se arjigna i atlec por i campionac taliagn de lüsa alta che gnarà tignis chësc fin dl'edema a Lijun.

I plazamënc dla secunda gara de Südtirolcup: [risultati Südtirolcup](#)

I plazamënc dla secunda gara "Raika Jugendrennen" sön Munt de Seuc: [risultati Jugendrennen](#)





Por altres foto: <https://www.sportrodel.it/fotos/>